

nis alteram ripam, excubabant aliquot equitum Gallorum cohortes. Galliæ Rex, quod Heluetii nondum aduenerant, prælium declinabat, & Cæsar promotis castris Castroteræ uenit, Castrum Theodorici vulgo vocant: ad idem flumen, ab urbe Lutetia non bidui via positum oppidum. Et quanquam erant in castris Cæsaris, legati Regis Galliæ, de pace misi, Cæsar tamen progrediebatur nihilominus: & quū iam hucusque peruenisset, incredibilis fuit orta Lutetiæ trepidatio. Fugiebat omnes qui paulo lauatori essent fortuna, nec Regis editis, fugam prohibentis, retineri poterant, & fax modò hominum manebat. Itaque periculum erat, ne ab hisipsis urbs longè omnium maxima, & imprimis opulenta diriperetur. Vi gesimaquarta demum die Cæsar cum Galliæ Rege pacem facit. Qua facta Cæsar è Suessinibus domum redit, dimissis copiis. Accidit ea pacificatio plerisque omnibus præter opinionem Nam qui Cæsari familiares erant, certissimam sibi promiserant victoriam, priusquam in bellum iretur, & intra menses aliquot ipsorum ditionis Galliam futuram, aut Regem imperata facturum esse iactabant, cui potentissimi tres hostes imminerent, Cæsar, Imperium, Britannus.

## LIBER XVI.

*Obiurgatio Pontif. ad Cæs.* **A** Rdente bello Pontifex octauo Calendas Septembbris dat literas ad Cæsarem, cuiusmodi

iusmodi decreta Spiræ fecerit, ad se relatum esse. Quid verò de illis sentiat, nō se posse pro suo munere & charitate in ipsum dissimulare: & vt ita faciat exemplo moueri sacerdotis He li, quem Deus grauissimè multarit, ob nimiā erga filios indulgentiam. Ad eundē planè modum, quandoquidem ea decreta pertineant ad ipsius animæ periculum, & ad maximā ecclesiæ perturbationem, necessariò sibi ipsum esse commonefaciendum. Postea illum obiurgat, quòd cum hæreticis fœdus, etiam si ad tēpus, ineat: quòd de religione & statu ac reformatione ecclesiæ cognitionem suscipiat, quæ res ad solum Pontificem maximum & Christi vicarium propriè pertineat. Recenset miserias, calamitates & ærumnas tum Græcorum, tum eorum Imperatorum, qui Romanos Pontifices parum dignè tractarunt. Ut ad hunc modū scriberet, Galliæ Regis impulsu fiduciâque factum esse putatur. Nam is, vt est credibile, fœdus Anglicanum odiosè admodum exagitabat, vt Pontificem acueret. Amicitiā enim illius vterque sollicitè per legatos atque literas ambire solent, belli prælertim tempore: & pro se quisque dant operam, vt sint ei quām gratissimi. Cardinales aliquot hoc anno creauit Pontifex in Cœsaris, Ferdinādi Galliæque Regis gratiam. Eodem quoque tempore Cōciliū, quod bellis antehac impeditū fuit, rur sū denuntiat in Idus Martias anni sequentis: & quia pacati iam erat Cœsar Galliæque Rex,

Indicio  
Cōciliū.

**Li Colon**  
**ien. cum**  
**Archiepi-**  
**scopo.**

magnam præ se fert lætitia: & diplomatis, quo Conciliū restaurat, initiū facit ab eo Scripturę loco, Lætare Ierusalē. Declero & acadēmia Coloniensi suprà diximus, quomodo totis viribus Archiepiscopo, propter institutam reformationē restiterint. Quum autē ipse pergeret, illi missis iterum legatis atque literis, actionem superiorē repetunt, & duo se flagitasse pridem ab ipso dicūt: primum ut ab instituto desisteret, & Concilii decretū expectaret: deinde ut nouos cōcionatores abrogaret. ipsum verd progredi, neque suis precibus acquiescere: quod sanè toti prouinciae futurum sit valde calamitosum. Itaque per omnia sacra rursus obsecrare, ut sui numeris fideisque memor, quas sit ecclesiæ Coloniæ, Pontifici Romano Cæsarique deuinctus, concionatores illos remoueat, & rem omnem ad publicā usque notionem differat. Nisi enim faciat, implorandum sibi esse Magistratum superiorē, & inuenienda remedia, quomodo & conscientiæ suæ consulant, & iram Dei procul auertant. Inuitos quidem eō descendere: sed tamē si perget, omnino faciendum esse. Quum ne sic quidem aliquid efficenter, Octobris die nona conueniunt in æde primaria Coloniæ, & de scripto recitant inter alia, quid ante vigesimū tertium annum sit aëtū Wormaciæ, quando Lutherus de cōsensu Principum omniū dānatus fuit à Cæsare. Quo neglecto Archiepiscopum Hermannum iniisse dicunt nouam rationē: &

euouasse Bucerum, hominē monasticæ profes-  
sionis desertorem, & bis incestis nuptiis pol-  
lутum, & doctrinæ sacramentariæ defensorē:  
etque munus ecclesiasticum demādasse, & no-  
uos instituisse passim populi doctores, homi-  
nes profligatos atque perditos: Quum autē sit  
lamentabilis prouinciæ status, & ad summam  
perturbationem omnia spectent, nec se ille fle-  
ti patiatur: necessario sese confugere ad extre-  
mum remedium, prouocare ad Pontificē ma-  
ximū, & ad Cæsarē, ecclesię Dei summū aduo-  
catū & protectorē, eorūmque tutelæ se suaque  
omnia cōmittere. Præsidebat huic cœtui Geor-  
gius Brunsuicensis, Henrici frater, eius colle-  
gii præpositus. Ea res cognita, Archiepiscopus  
edito scripto, nullam esse causam ait appella-  
tionis. nihil enim ab se factum esse præter of-  
ficium. Itaque se reiicere appellationē: atque  
spem habere fore ut ab incepto desistant. Sin  
autem, progressurum se nihilominus in iis que  
ad gloriam Dei, & ad ecclesiarum emendatio-  
nem pertineant. Alio deinde scripto crimina-  
tiones eorū refutat, neque cū Lutherō, neque  
cū Bucero sibi quicquam esse negotii priuati:  
sed eorum doctrinā, quæ sacrī literis consen-  
tit, habere se pro verè Apostolica, & planè  
digna quam omnes recipiat. Damnatum qui-  
dem esse Lutherū ab ecclesia Romana, sed in-  
dicta causa violenter & tyrannicè, de edito  
Wormaciensi, quo Lutherum fuisse condem-

Decretum  
Wormac.  
in Luthe-  
rano.

natum dicant, nihil vñquam sibi fuisse comper-  
tum, priusquam in vulgus exiisset, typis excu-  
sum. Quòd ergo de consensu Principum esse  
factum affirment, ad se minimè pertinere, cui  
nihil vñquam eius rei fuerit communicatum.  
Decretum Augustanum de religione factum,  
sibi nunquam placuisse. Quumque nonnulli  
Principes, multa Cæsari tum pollicerentur, &  
pro religione Pontificia tuenda fortunas o-  
mnes deferrent, se mandasse suis consiliariis,  
ne quid eiusmodi promitterent. imò vt claris  
verbis contrà testificantur. Illos autem non  
hoc fecisse, quod habebant in mandatis, & re-  
ticentiaz causam nonnullis esse notā, qui nunc  
inter aduersarios primum locum obtineant.  
quod cùm ita sit, edicto illo minimè se obliga-  
ri: atque vt deuinctus aliquando fuerit, tamen  
agnita veritate non amplius teneri. nullum e-  
nim pactum aut ius iurandum, quo Dei viole-  
tur honos, vim vllam habere. Se quidem in Bu-  
cero nihil deprehendisse, quod sit alienum vel  
indignum bono viro. Per magni etiam esse mo-  
menti, quòd Ratisbonensi colloquio Cæsar  
illum, vt hominem pium, doctum, & pacis a-  
mantem adhibuit. Ad decimum octauū dein-  
de Nouembris diem clerus Coloniensis reli-  
quos ordines in urbem euocat, & vt appella-  
tioni subscrivant, petit. idem etiam à reliquis  
& academiis aliquot, etiam externis conten-  
dunt:

dunt: & è suis qui recusarent, loco submouēt:  
& Archiepiscopum ad Cæsarem atque Pon-  
tificem grauiter accusant. A pacificatione Legatio ad  
Suectionensi, Cæsar Atrebatensem Episco-  
pum, Granuellani filium, Galliæ Rex Cardi-  
nalem Bellarium ad Angliæ Regem vnà mit-  
tunt, trāfactionis causa. Verū id frustra fuit,  
Anglo recusante Boloniæ restitutionem.

Mense Septembri Tornacum euocatus  
fuerat Argentorato concionator quidam Gal-  
lus, Petrus Brulius: qui cùm eò venisset, per hu-  
maniter exceptus est ab iis, qui vocauerant.  
cœpit eos erudire priuatim. Sed re enuntiata,  
cœptum est inquire de illo per totam vrbem,  
occlusis portis. Cùm ergo præsens ei pericu-  
lum immineret, nec occultari posset amplius,  
altera Nouembris die nocturno tempore per  
vrbis mœnia fune demittitur ab amicis. Vbi  
terram tetigit, & humi confedit, quidam ex iis  
qui demiserant, procumbēs ex muro, salutem  
ei submissa voce precatur: & dū sic innititur,  
saxum quod fortè resoluta calce non bene co-  
hærebat, impellit: impulsu illi aduoluītur, &  
sedenti crus perfringit. Itaque partim dolore  
casus, partim frigore afflictatus, miseriam &  
infortunium suum querulis vocibus & lamentando  
deplorat. Id exaudiunt vigiles, & suspi-  
cati quod erat, accurrit, & comprehensum in  
carcerem condunt. Eius rei fama, quū in Ger-  
niā venisset, Senatus Argentinensis missis li-

teris intercedit. pōst etiam legati Protestantium, qui tum erant Wormaciæ: sed id fuit aliquantò serius, & priusquam illi venissent, iam erat sublatus è medio, igni non magno extus. Doctrinam suam constanter ad extremum usque spiritum profitebatur: & discipulos, qui passim erant in cathenas coniecti, per literas consolatus è vinculis, ad constantiam hortabatur. In pacificatione Suectionensi conuenit, vt veterem, sicut ipsi vocant, religionem Cæsar atq; Rex pro suavirili recuperauerant: & Parisiensium exemplo theologi Louanienses dogmata conscribunt, quibus Lutherus per contraria themata respondet, & haereticos atque sanguinarios appellat: qui quū impia doceāt, & ratione sua non possint atque Scriptura defendere, vim adhibeant, & igni graffentur ac ferro. Nam illi, sicut etiam Parisienses, nuda solūmodo axiomata proponunt, & quid sequendum sit præscribunt: locum verò nullum è Scripturis adducunt, & magistratum ad animaduersionē inflammant. Erat tum Imperii conuētus Wormaciæ. Cæsar cùm sāpe constituisset, impeditus articulari morbo, serius eō venit. Viceimquarta die Martii Ferdinandus Rex per absentiam Cæsaris proponit, Et si Cæsar maximis rebus fuerit distentus: non tamen neglexisse quod Spiræ decretum fuit, & viris aliquot bonis atque doctis negotium dedisse conscribendæ reformationis,

Lutherus  
in theolo-  
gos.

Comitia  
Worma-  
cie.

tionis, quam etiam ab iis acceperit. Quum autem hæc ipsa causa valde sit grauis, multamque deliberationem requirat, & verò Concilium proximè sit inchoandum, & propter iruientem Turcam, non sit huius temporis hæc de reformatione deliberatio, videri Cæsari consultum, vt ea nunc omissa, qui sit Concilii futurus progressus expectetur. Ad ea Protestantes, & his adiuncti Coloniensis Archiepiscopus & Palatinus Elector, dicunt opus esse primum, vt de religione tractetur. Quod si breuitas temporis, aut imminens à Turca periculum non ferat, opus esse tamen, vt illud decreti caput, quod est de pace declaretur amplius. Religioni datam quidem esse pacem adusque Concilium. se verò non agnoscere Concilium hoc Tridentinum pro legitimo, quale sit in Imperii comitiis promissum. Reliqui Principes ac ordines, & in his Moguntinus & Treuerensis Archiepiscopi, statuunt religionis causam ad Cöcilium iam indictum referri. His de rebus per totum mensem Aprilis ad septimum usque diem Maii disceptatum fuit. Tunc demum, quandoquidem Cæsariam erant in via, Ferdinandus ad illius aduentum ea differre iubet.

Galliae Rex legatum eò misit Grinianum, Prouinciae Galliae præfetum. Per huius absentiam orta fuit iis locis ingens persecutio ipos qui dicuntur Waldenses, qui Merindoli

Persecutio  
horrenda  
in Waldē  
ses Merin-  
dolanos.

& Cabrieræ potissimum habitabant. Aliquot oppida & vici direpti & incensi, vel solo æquati. Magnus vtriusque sexus hominum numerus, puerorum & infantium ferro flammâque absumptus: nec grauidarum quidem habita ratio. Nam Minerius supremus Præfes Aquensis, huius barbaræ immanitatis coryphæus, quadraginta circiter fœminas in horreum straminis & fœni plenum inclusit, post igne subiici iussit & incendi. Multæ minores puellæ sic constupratae & inhumaniter tractatæ, ut nō multò post extinguerentur. Complures alii, qui per sylvas atque rupes oberrabant, intercepiti, vel ad tremes mittebantur, vel confodiebantur. Multi etiam inedia perierunt. Quidam ingressi cauernam, sub rupe latitabant, numero ad vigintiquinque: sed prodiit, fumo fuerunt omnes & igni enccati. Sic adeo nullum sautiæ genus fuit prætermissum. Huius rei fama quum in Germaniam emanasset, plurimorum animos offendit. Et Heluetii quidem, qui nō sunt Pontificiæ religionis, intercedebant ad Regem, vt in eos qui profugissent, vteretur misericordia. Rex autem & iustas esse causas eur ita fecerit: & quid suis in finibus agat, aut quomodo in fontes animaduertat, non magis oportere illos sollicitos esse de eo dicit, quam sit ipse de illorum negotiis. Wormaciam deinde Cæsar venit Maii die decimo sexto. postridie Cardinalis Farnesius, qui excitandi belli

belli causa in Lutheranos certò venisse putabatur.

Cæsar facta pace cum Galliæ Rege, solicitabat etiam reliquos dynastas, vt Concilium indictum adiuuarent: & per hanc occasionem missus ab eo legatus ad Poloniæ Regem, demonstrat labore Cæsaris & industria Cef. ad Po  
Tridenti iam indictum esse Concilium . Ita-  
lonum le-  
que rogare suos vt eò mittat legatos, qui & gatio.

sua præsentia solemnam illam actionem condecorent: & quæ fient ibi de rebus sacris decreta, cōfirmēt. Quia verò Cæsar existimet Protestantes, qui semper fuerunt contumaces, nec ab Augustana confessione discessuros, nec publicis etiam decretis obtemperaruros esse, rem ipsam postulare, vt Reges & Principes interveniant: & in illos, nisi pareant, tāquam in reipublicæ & sacrorum omnium perturbatores vindicent. Polonus ad ea, omnia se facturum quæcunque & reipublicæ & ecclesiæ tranquillitati conducent: neque, si sit opus, in summo periculo defuturum esse Cæsari, amico & af-

fini. Perscriptum id temporis Roma fuit, Apparatus  
belli in  
Protest.  
Pontificem, etsi Cōcilium indixerat, suόsque iam Tridentum miserat legatos, adeò tamen belli fuisse Lutherani cupidum, vt auxilia promitteret, peditum millia duodecim, equites quingentos. Clām etiam ab eo fuisse condu&os centuriones atque duces. Quum autem ei renuntiatum esset, non ita multum idonei superesse temporis ad rem gerēdā, & aliam expe-

ständam occasionem, continuò Ducibus illud  
communicasse, & anni futuri spem fecisse.

*Monachus* Altera post Pentecosten die, monachus qui-  
canit clausi dam Frācis canus, Italus, concionem habet ad  
cum.

Cæsarem, Ferdinandum Regem, Cardinalem  
Farnesium, Episcopum Augustanum, Gran-  
uellanū, & sermone digreslus ad Lutheranos,  
quum atrociter multa in eos dixisset, Tempus  
est, inquit, potentissime Cæsar, ut tandem of-  
ficium tuum facias: nimis hercle diu cessatum  
est. iampridem oportuit rem esse confectam.  
Te Deus constituit Ecclesiæ defensorē. Qua-  
propter exerc vires tuas, & pestiferum illud ge-  
nus hominum tollas è medio. Nefas enim est  
eos intueri solem, qui sic omnia polluunt & cō-  
fundunt. Quot autem hominum millia de fa-  
lute perpetua periclitari quotidie putas per i-  
storum vesaniam, quos omnes Deus à te repo-  
scet, nisi remedium adhibeas? Neque verò di-  
cas te facturum. iam enim, iā, inquam, fieri de-  
bet, nec interponi moram ullam oportet. Eo  
clasico fertur offensus fuisse Granuellanus,  
vel quòd ita simularet, vel quòd Protestantibus  
hoc esse videret cautionis loco. Non multis  
ab ea concione diebus, Farnesius de nocte  
clanculum discedit: & Romam magna celerita-  
*Luth. liber* te reuolat. His ferè diebus prodiit Lutheri  
*in Pontif.* liber, populari lingua scriptus, cui titulus est,  
Aduersus pontificatum Romanū à satana con-  
stitutum. Extant sanè in illius libris pasim vā-  
ticinia multa de rebus grauissimis, quorū non-

nulla iam comprobauit euentus, reliqua sunt  
adhuc in manu Dei posita. Cæsar interea per  
Granuellanum pérque Nauium de Concilio,  
déque Turcarum bello agit cum Protestantis-  
bus, qui sibi de pace caueri petebant, sic vt ne  
decreto Cœciliī tolleretur. Respondebat Cæ-  
sarē ipsos eximere non posse Cœciliī decretis,  
cuius auſtoritati subiecti sint omnes. Protesta-  
tes contrā, quibus de causis illud pro legitimo  
non habeant, docent. Grinianus Regis Gal-  
liae legatus per interpretem orationē habuit,  
qua Protestantes hortabatur ad recipiendum  
Concilium. Sic enim conuenerat, debere illos  
ad Concilium inuitare, quod Cæsar & Rex ap-  
probassent. hoc enim ad terrorem Protestan-  
tibus inferendum pertinere putabatur. Ad  
hoc tempus moritur Lotharingiæ Dux Fraci-  
scus, relicto filio Carolo, duorum annorum  
puero. Ex Hispaniis autem latus fuit allatus  
nuntius, de Carolo nepote nato Cæsari ex fi-  
lio Philippo. Quū in bellum Turcum nihil à  
Protestantibus contribui Cæsar videret, nisi  
de Concilio & Camera impetrarent, legatum  
mittit ad Turcā de induciis. Hoc durāte cōue-  
tu Senatus Metēsis inquirit in eos q̄ pro cōsue-  
tudine Pōtificiorū, nup ad Pascha nō percepis-  
sēt Cœnā Domini. deprehēsos iubet vrbe ex-  
cedere. Diximus quomodo cleris & academia  
Coloniensis ad Cæsarē ac Pōtifice pūocarūt, vt  
hac ratione conatus Archiepiscopi retardarēt.

Carolus  
Cæsaris ne  
pos.

Quum autem ille pergeret, neque ministros ecclesiæ remoueret, Cæsarē rursus implorant, graui de ipso habita querimonia. Sub finem igitur Iunii, diuulgatis Wormaciæ literis, in patrocinium suū eos Cæsar recipit: & proscriptionis denuntiata poena, mandat ne quis omnium illos vel in religione sua, vel in possessione bonorum, & vectigalibus, & iure impediat. Alteris deinde literis Archiepiscopū citat, vt intra trigesimum diem ad se veniat, aut procuratorem mittat: & accusationibus respō deat. interim verò iubet, ne quid moueat: & si quid innouatum sit, pristino loco restituat. Iu  
*lii Apōstif.* lii deinde die vicesima octaua Paulus tertius illum eodem modo citat, vt intra sexagesimum diem Romæ sibi præstò sit. Citat etiam Henricum Stolbergum, primarii templi Coloniensis decanum, eiusque collegas quinque, omnes illustri genere natos. Hi enim & Archiepiscopū amabant, neque reliquorum actionem probabant. Erat omnino Pontifex ab aliquot annis male in Archiepiscopum animatus. Cæsar Augusti die quarto fine actioni facit Wormaciæ: & comitium in mensem Ianuarium anni sequentis prorogat, & Ratisbonam Principes omnes venire iubet. & vt aliquando concilietur dissidium, aliud doctorum hominum colloquium, & utrinque quaternos instituit collocutores, & binos auditores. Cameræ reformationem in proximum cōuentum reiicit.

Huius

*Coloniensis  
citatius à  
Cæs.*

Huius decreti caput illud, quod est de colloquio doctorum, Pontificii recusant: nec in eo Cæsari volunt assentiri. cætera non impugnat. Hoc in conuentu definita fuit res Brunsuicensis, & ager omnis Cæsari permisus: qui confessim Henrico mandat, vt legibus rem agat, & ab armis abstineat. Ille verò minimè assentitur: Brunsuic.  
cōtumacæ de eoque protestatur. Et quū Cæsar ei denuo grauissimis verbis ac præscriptionis denuntiata pena mandaret uti pareret: non modò nō obtemperat, verum etiam acerbè rescribit, eiusque consiliarios, Granuellanū imprimis atque Nauium, odiose criminatur. nec eo contetus, occulte cœpit cogere manus, vt amissa recuperaret. Wormacia Cæsar secundo flumine Rhe no Coloniam venit: inde domum redit.

Colonensis Episcopus, quia citatus erat, vt vbiunque Cæsar esset, eō veniret aut mittetur: et si pro veteri Germaniæ consuetudine & Electorum priuilegio, non tenebatur præstō esse Cæsari extra fines Imperii, tamen procuratorem eō misit, qui se defenderet. Ardebat tunc bellum Galliæ Regis cum Anglo, & gerebatur res tam mari quam terra: & arcem Galliæ Rex in litore maris prope Boloniā nuper amissam ædificabat, vt comeatu illos intercluderet. Dolebat autem Protestantibus hos Reges ad eum modum inter se cōflictari, qui tot annis pacem coluissent. Itaque cùm id utriusque non ingratū fore cognosceret, legatos

de pace mittūt. Qui quum Ambianum veniſent, de morte Ducis Aureliani cognoscunt.  
*Ducis Au-*  
*relianī*  
*mors.*

Is erat Cæſari futurus aut gener, aut affinis, & perpetuæ amicitiæ veluti firmissimū quod-dam vinculum. Sed ecce quo ferè tempore nuptiæ erant peragendæ, paucorum dierum morbo perit, circiter vigintitrium annorum iuuenis. In hoc ipso tempore Henricus Brunsuicensis instruētus auro Gallico, militum manus conſribit quām potest occultissimè, faſtoque itinere per agrum Lunebergensem, non ſine maleſicio ſuam in prouiciam ingrediatur, & primariam ſuæ ditionis arcem Wolfebutelum obſidet, ac paſſim in ſuam fidem populum iureiurando adigit. Interim Lantgrauius mandatu ſociorum collectis copiis, procedit illi obuiam. Ea re cognita Brunsuicensis progressus, caſtra facit ad milliare vnum à caſtris Lantgrauii. In hoc rerum ſtatu Ericus Brunsuicensis, eiūſque mater vidua, Ioannes Brandenburgicus Henrici gener, & alii quidam intercedunt de pace. Lantgrauius autem atque Saxones, nihil in eo ſibi licere dicunt, niſi de ſociorum voluntate. Mauricium igitur illi ſubmittunt, & orant ut Lantgrauio ſocero persuadeat. Sed quum Henricus propositas conditiones repudiaret, Mauricius quoque ei bellum denuntiat: quod facturum ſe, niſi de pace conueniret, ei prædixerat.

Interea Lantgrauius propius ad hostem accedit, & emiſſis tormentis, circiter quingentos

*Bellum  
Proteſt. in  
Brunsic.*

passus ab eo consistit. Henricus miserat præconem, deinde duos internuntios ad Mauricium, cui Lantgrauius responderat nullam esse aliam pacis conditionem, quam ut Henricus, eiūque natu maximus filius, suę se protestati dedat. Quare expectandū dicebat Mau-  
ricius, donec cū illo esset locutus, et rogabat ut tantisper abstineret. Paulo pōst redit, & Héri-  
cum magna vi lachrymarū profusa, miseriā suā deplorare, & velle sese dedere cū filio, re-  
nūtiat. Vbi iā Henricus venit cū filio Carolo  
Vītōre, Lātgraui⁹, Quòd si, tuę, inquit, pote  
statis essem factus, nō diu mihi lucis vſurā cō-  
cederes. Ego verò tecum agā liberalius, q̄ pro  
tuo merito. Ad hunc modū locutus, custodias  
vtriq; ponit. Hēri copię cogitatāt vno agmi-  
ne discedere, sed quia periculū erat ne rursus  
per occasionē aliquid mouerent, Lantgrauius  
eos consequitur, & in planicie quadam de-  
præhensos, cogit ut direptis signis fidem da-  
rent, intra sextum mensem non se militaturos  
in ipsum atque socios. Machinas deinde bel-  
licas omnes ad octodecima cum omni instru-  
mento ipsis adimit. Henrico Brunsuicensi fi-  
liōq; capto, statim Cæsari rē omnē prescribūt  
Saxo atq; Lātgrauius, & vt tam ipse quām so-  
ciī propter violatam pacē publicā proscriban-  
tur, petunt. Cæsar respondet Lantgrauiio,  
cum in eum statum res deuenerit, existima-  
re se, nō esse opus, vt illi violatæ pacis publicę

poena iam irrogetur. Confidere etiam ipsum  
 ita moderate vñrum esse hac victoria, vt ne-  
 mini sit ab eo vis vlla metuenda. Monere au-  
 tem vt pro veteri Principum consuetudine,  
 captiuos liberaliter ac honeste tractet, nec ad  
 vllam iniquam aut ipsis indignam conditionem  
 adigat, sed amicæ vel legitimæ disceptationi  
 rem permittat. Cùm essent in Anglia Pro-  
 testantium legati, quos dixi, Rex per occasio-  
 nem colloquii dicebat, imminere ipsis grauissi-  
 sum bellum: id sibi certò constare. monebat  
 etiam vt ad suos perscriberent. Ex ipsius autem  
 consiliariis, quidam præcipua tuncautori-  
 tatis, alteri legato idem post idem explicabat,  
 nominatis aliquot excusoribus & emissariis,  
 quorum id opera potissimum fieret.

Anglie  
 Rex Pro-  
 test. monet.

Quod etiam cum Galliæ Rege pa-  
 cem anno superiori Cæsar fecisset, moleste  
 Rex ferre videbatur quod illius impulsu,  
 bellum se fecisse Galliæ diceret, propter so-  
 cietatem Turcicam.

M. D.  
 XLVI.

Ianuario mense conuentus erat Prote-  
 stantium Francofurti. Deliberatum ibi fuit  
 de Concilio Tridentino, de prorogando fœ-  
 dere, de sumptib' belli Brunsvicensis. Hoc in  
 conuentu Archiepiscopi Colonensis lega-  
 ti queruntur de iniuriis cleri, deque man-  
 datis & citationibus tum Cæsaris tum Ponti-  
 ficis.

Interea Palatinus Elector instituit passim  
 Ec-

Ecclesiæ ministros & Euangelii doctores, Palat. Ele  
ctor.refor.  
Euangelicae integrum quoque Cœnam Domini, & con*iugium* sacerdotum permittit: & decimodie Ianuarii loco Missæ Pontificiæ, peractum fuit in primario templo Hedelbergæ sacrum, lingua populari. Protestantes igitur Missa legatione gratulantur ei: & gratias agunt, quod Colonensis Archiepiscopi legatis liberaliter respôderit: hortantur etiam ut perget. Ad hæc ille, de Colonensi dolere sibi plurimum, quod ad hunc modum exagitetur, in hac præfertim ætate. Quum igitur ipſi mittent ad Cæsarem, & ad clerum & senatum Colonensem, deprecandi causa, se quoque suos vñâ missurum. In religione se multis annis conciliationem aliquam sperasse: quia verò differri periculose rem videat, neque spes magna subsit, non se potuisse populi sui votum & expectationem remorari diutius. Itaque doctrinæ & rituum instituisse emendationem, quam & vrgere deinceps cogitet, & profiteri palam. Ad decimumseptimum Ianuarii diem Vesaliæ conueniebant Electorum legati, eorum qui Rhenani dicuntur. Hi sunt Moguntinus, Colonensis, Treuerensis, Palatinus. Nam eorum ditiones ad Rhenum pertingunt. Palatinus vrgebatur hic Moguntinum & Treuirensim, vt vñâ secum & cum Brandenburgico missis legatis intercederent pro Colonensi. Sed illi, quod offendit

Rumor bel sionem metuerent, recusabant. Hoctem-  
pore cœpit spargi rumor, Cæsarem occulte  
moliri bellū. Lantgrauius igitur datis ad Gran  
uellanum literis, non ex Germania tantum,  
sed ex Italia quoque nuntiari dicit, alisque  
locis, Cæsarem atque Pontificem parare bel-  
lum in Lutheranos, & velle tueri Concilium:  
& primo vere facturos initium, & fore ut in  
Colonensem Archiepiscopum ex inferiori  
Germania, in Saxoniam autem ex Bohemia,  
& in superiorem Germaniam ab Italia fiat  
impetus. Granuellanus ad hæc Februa-  
rii die septimo rescribit, Cæsarem neque pa-  
ctum ullum habere cum Pontifice, neque mi-  
litem conscribere. Se verò mirari tam impu-  
dentes homines reperiri, qui hæc de Cæsare  
spargant. Sub exitum Ianuarii mensis  
Francofurti conueniunt Lantgrauius & Pa-  
latinus Elector Fridericus. Augustani multis  
ex locis de Cæsaris & Pontificis apparatu bel-  
lico certiores facti, Sebastianum Scherteli-  
num, hominem militarem, & ipsis addictum,  
miserant ad Palatinum atque Lantgrauium,  
qui de his rebus ipsos arcanè doceret. Is igitur  
quum vtrunque separatim conuenisset,  
effecit ut deliberandi causa hic venirent am-  
bo. Non multò post dimittitur Francofur-  
ti conuentus. Saxoniae Dux Mauricius, & si  
non erat eius foederis, legatum habebat Fran-  
cofurti, qui dimisso conuentu statim ad Cæ-  
sarem

sarem proficiscitur. Erat tum in Geldria Cæsar, ad eumque delatum antea fuerat, quasi Smalcaldici aduersus ipsum Francofurti coniurassent. neque deerant, qui, sicut dici solet, oleum adderent camino, & hos ordinum Principumque conuentus, ad ipsius contempnum pertinere dicerent. Antea diximus quo modo Cæsar colloquium doctorum instituerit Ratisbonæ, & sub initium Decembris omnes adesse iusscerit. A Cæsare & à Protestantibus venerunt theologi. Vigesimali septimo demum Ianuarii die fit initium: & præfides Mauricius Episcopus Eistetensis, & Fridericus Comes Furstembergius nonnulla præfati de suis personis, de onere sibi imposito, theologos hortantur, ut in re tam graui tamque sancta, nihil affectibus tribuant, sed agant sincerè, Deumque vereantur, & concordiam spectent. Postea recitant Cæsaris esse mandatum, ut Protestantium Augustarum quondam exhibita confessio tractetur hoc in colloquio, tribus primis omissis dogmatis, de Trinitate, de Verbi incarnatione, de peccato originis. A multa disceptatione conuenit, ut vtrinque bini sermonem omnem scripto mandent, ut acta reponantur in cistam, nec nulli communicetur, nisi reliquis presentibus, & silentio tegantur. Eo constituto Petrus Maluenda, doctor Parisiensis, doctrinæ caput de iustificatione impugnat: cui respondet Bucer, & gratis hominem per Christum iustificari

Colloquii  
Ratisbo  
nense.

probat. Ecce autem decimoquinto Februario die Cæsar is adferuntur literæ, quibus mandabat ut inter Praesides reciperetur Iulius Pflugius, episcopus Numburgicus, ut ne collocutorum & auditorum numerus augatur extraordinariis, ut non alii, quam quos Praesides delegissent tabelliones acta, describant, ut omnes iureiurando silentium promittant, nec ulli mortalium aliquid enuntient de rebus colloquii, priusquam ad Cæsarem & ordines Imperii relatum sit. Hisce de rebus diu multumque disceptatum fuit, quum & Cæsar is mandata sibi sequenda Praesides, & à suorum Principum iussis non se posse discedere Protestantates dicerent. Interim Saxoniam dux, qui conditiones colloquii non probaret, postquam de illis accepit, reuocat suos, ut rem omnem cognoscat. Illis ergo discedentibus, Bucerus etiam ut acta Lantgrauiio referret, die vigesimo Martii mensis abit. Tulerunt hoc impatienter admodum Praesides, & quum antea praesentes monuissent uti manerent, iam nonnullis profectis reliquos per epistolam, ut Cæsar is rescriptum expectent, grauissimis verbis hortantur. Protestantibus deprecandi causa pro Archiepiscopo Coloniensi missis ad Cæsarē, adiunxerant se Palatini Principis & Brandenburgensis Electoris legati. Petitionis haec erat summa, ut ad cæteras religionis causas, hanc etiam Cæsar referat: & institutam à clero actionem

*Colloco-  
tores dif-  
ficiunt.*

*Legatio  
pro Colo-  
niensi Ar-  
chiepisc.*

tionem rescindat. etenim si qua vis ei fiat,  
non se posse illum deserere significabant. Cæ-  
sar eis Traiecti responderet per Nauium, omnē  
benevolentiam ad hoc vsque tempus illi de-  
clarasse, & corām, deinde per legatos etiā ad-  
monuisse : sed illum, etsi spem magnā faceret,  
& liberaliter promitteret, ita rem gessisse vio-  
lenter, vt totius tuendæ prouinciæ causa, neces-  
sariò sibi fuerit adhibendum remedium. Ve-  
runtamen boni sese cōsulere legationē hanc,  
quod ad pacem & conciliationem religionis  
eam pertinere putet. Itaque si desistat Archi-  
episcopus, & ius pareat mandatis, non esse  
quod in se quisquam requirat: & proximis co-  
mitiis usurum in eo se Principum & ordinum  
consilio. Petere autem vt Principes eò veniāt,  
omni remota excusatione. se quoque iam ad i-  
ter esse paratum. Concilium ad Idus Mar-  
tias anni superioris fuerat indictum Tridenti. presides  
Legatos eò Pontifex misit Ioannem Mariam Trident.  
Concilii. Montanum, Marcellum Ceruimum, Rignal-  
dum Polū Britannum, Cardinales. Sed quum  
serius plærisque venirent, nihil eo fuit actum  
anno, nisi quod mense Decembri, monachi  
quidam orationes habebant ad patres. Septi-  
ma deinde Ianuarii die huius anni, quum au-  
tor esset Episcoporum numerus, fit initium  
Concilii: & legati Cardinales, quos diximus,  
orationem habent ad patres, & tribus de cau-  
sis agi Concilium dicunt, vt hæreses extirpen-

tur, vt Ecclesiæ disciplina restituatur, vt pax recuperetur. Præsentis autem calamitatis culpam in ordinem ecclesiasticum debere transferri dicunt. neminem enim esse, qui suum officium faciat. ac licet nullam ipsi hæresim excitarint, tamen quòd non excoluerint agrum, quòd non semina iecerint, quòd enascentem zizaniam non euulserint, in eadem esse culpa. Post hanc orationem recitatur decretum per Ioannem Fonsecam, Episcopum Castrimari num, Hispanum. eo monentur omnes Christiani nominis, vt vitam emendēt, Deum mentuant, sæpe confiteantur delicta, frequenter adeant templa diuorum. Dum hæc Tridenni geruntur, Lutherus ad comites Mäsfeldios proficisciatur, vocatus ab iis, compendi cau fa dissidii, quod inter ipsos erat de finibus & hæreditate. Non solebat ille quidem huiusmodi negotia tractare: & per omnem vitam suis tantum studiis vacauerat. Sed quia natus erat Islebii, quod est Mansfeldiorum ditionis oppidum, non potuit hunc laborem & operam illis atque patriæ non præstare. Prius, quam Islebiū perueniret, quod erat sub exitū Ianuarii, valetudine vtebatur tenuiori: sed tamen & causam agebat propter quam erat vocatus, & aliquoties in templo docebat, percep ta quoque Cœna Domini. Decimo septimo verò Februarii die cœpit ægrotare grauius ex pectore. Erant cum eo filii tres, Ioannes,

Lutheri  
placida.  
mers.

Mar-

Martinus, Paulus, & alii quidam familiares. Quum circa medium noctem quereretur de pectoris angustia, & præsentiret iam instare vitæ finem, his omnino verbis Deum im- plorabat, Pater mi cælestis, Deus, & pater do- mini nostri Iesu Christi, Deus omnis consola- tionis, ago tibi gratias quòd filium tuum Ie- sum Christum mihi reuelasti, cui credidi, quem sum professus, quem amavi, quem ce- lebraui, quem Pontifex Romanus & reliqua impiorum turba persequitur, & afficit contu- melia. Rogo te mi Domine Iesu Christe, fuscipe animulam meam. Mi Pater cælestis, etiam si deuellor ex hac vita, licet corpus hoc mihi sit iam deponendum: certò tamen scio, me tecum esse permansurum in sempiternum, neque posse me tuis ex manibus à quoquam a- uelli. Non multo post eam precationem, vbi spiritum suū in manibus Dei semel & iterū cō mendasset, tanquā dormitus, paulatim è vi- ta decedit, nullo cum corporis, qui quidē ani- maduerti potuit, cruciatu. Sic ergo mortu⁹ est in patria sua, quam à multis annis non viderat, Februario die decimo octavo, maximo cum ge- mitu plurimorum. Mansfeldii quidem cupie- bāt illum suis in finibus, quòd illinc originem haberet, sepeliri: sed iussu Principis Electoris Wittembergam honorificè delatus, quinto post die reconditur. Erat annorum circi- ter sexagintatrium. Paulò antequam animam

Precatio  
Lutheri  
in morte.

agerat, dixerat amicis, Orate Deum vt Euangeli doctrinam nobis conseruet: Pontifex enim & Cōcillum Tridentinum dira moliuntur. Quanta fuerit in eo vis & cōpia dicendi, testantur librorum monumenta. Germanicam certè linguam & exornauit plurimū, & locupletauit, & primam in ea laudem obtinet: & ea vertit è Latino sermone, quæ verti non posse putabantur, & significantissimis vtitur verbis maximēque propriis, & vnica voce rē non nunquā ob oculos ponit. Animo fuit prorsus inuicto. quo primum tēpore coepit docere de indulgentiis, ignorabat quò res ea pertineret, ut ipse met fatetur, & hoc vñ agebat: ideoque demissè admodum tum ad Pōtificem aliósque scribebat. Quum autē in Scripturæ cognitione magis in dies magisque proficeret, suāmque doctrinam cum verbo Dei congruere iudicaret, omnem aduersariorum impetum & totius orbis odium fortissimo pectore sustinuit, & tanquam murus aheneus constitit immotus, omni contempto periculo.

## LIBER XVI.

**D**E colloquio Ratisbonēsi paulo suprà dictum est. Profectus ed fuit cū Bucero permisso senatus Argentinensis Ioannes Diazius Hispanus. Is multis annis Lutetiae Parisiorum dederat operam literis & theologiæ Sorboni-